

Penerang ke *Bup Kereja Pengidup enggau Pengawa Kristian*

2-8 MAC

RETA ARI BUP KUDUS | PEMUNGKAL 22-23

“Petara Nguji Abraham”

(Pemungkal 22:1, 2) Nyau kelama udah bekau nya, Petara nguji Abraham. Ku Iya bejaku ngagai Abraham, “Abraham!” Abraham lalu nyaut, “Tu aku!”² Ku Petara bejaku, “Bai anak nuan, anak tunggal nuan Isak, ke balat dikerinduka nuan, lalu mansang nuan ngagai menua Moriah, lalu serahka iya dia nyadika piring tunu ba bukit ti deka ditunjukka Aku ngagai nuan.”

w12 1/1 23 ¶4-6

Nama Kebuah Petara Minta Abraham Nyerahka Anak Iya Nyadika Pemerit

Perundingka jaku Jehovah ngagai Abraham: ‘Bai anak nuan, anak tunggal nuan Isak, ke balat dikerinduka nuan, . . . lalu serahka iya dia nyadika pemerit tunu.’ (Pemungkal 22:2) Peratika mega, Jehovah madahka Isak nya anak “ke balat dikerinduka.” Jehovah nemu Abraham amat rinduka Isak. Petara mega nemu asai ati Diri pasal Anak Iya Empu, Jesus. Jehovah amat rinduka Jesus nyentukka Iya dua kali bejaku ari serega madahka Jesus nya “Anak ti dikesayauka Aku.”—Mark 1:11; 9:7.

Lalu, ba jaku asal, lebu Jehovah ngasuh Abraham nyerahka Isak, Iya ngena leka jaku Hebrew kena nunjukka basa. Seiku pakar Bup Kudus kala madahka, lebu Petara ngena leka jaku tu, Iya nemu, pemesai reti utai ke dipinta Iya. Baka ke ditemu kitai, pemin-ta nya tentu ngasuh Abraham balat tusah ati. Pia mega, kitai ulih ngambarka penusah ati Jehovah lebu Iya meda Anak ti dikesayauka Iya, merinsa lalu mati. Nya engka pemerinsa ti pemadu besai ke diasaika Jehovah.

Amat, kitai engka berasai tusah ati lebu berundingka utai ti dipinta Jehovah kereja Abraham, tang kitai nemu, Jehovah enda nejuka Abraham munuh anak iya. Jehovah ngelindung Abraham ari pemerinsa ti pemadu besai ke ulih ditapi seiku apai; Iya enda ngelakka Isak mati. Tang Jehovah enda ‘ngalau Anak Iya Empu, tang nyerahka iya ke kitai semua.’ (Rome 8:32) Nama kebuah Jehovah sanggup napi

pemerinsa tu? Iya ngereja nya ngambika “kitai tau idup.” (1 John 4:9) Naka meh pemesai pengerindu Petara ke kitai! Endaka nya meransang kitai malas baru pengerindu Jehovah?

(Pemungkal 22:9-12) Lebu seduai iya datai ba endur ti udah dipadahka Petara ngagai Abraham, Abraham lalu ngaga siti alta, lalu nugungka kayu api ba alta nya. Iya lalu nanchang anak iya Isak, lalu ngengkahka iya ba atas tugung kayu nya.¹⁰ Uдах nya Abraham lalu ngambi duku, deka ngelar anak iya.¹¹ Tang melikat Jehovah ngangauka iya ari serega, ku iya, “Abraham! Abraham!” Abraham lalu nyaut, “Tu aku!”¹² ‘Anang ngemediska nemiak nya, tauka nge-reja sebarang utai ngagai iya,’ ku melikat nya bejaku, “laban diatu Aku nemu nuan amat nangika Petara, laban nuan enda sayauka anak tunggal nuan tang nyerahka iya ngagai Petara.’

(Pemungkal 22:15-18) Melikat Jehovah lalu ngangauka Abraham ari serega kedua kali,¹⁶ Ku Iya bejaku, ‘Aku ti Jehovah besumpah atas nama Aku Empu, Aku deka meri berekat ti besai ngagai nuan, laban nuan udah ngereja utai tu, lalu enda sayauka anak tunggal nuan tang nyerahka iya ngagai Aku.¹⁷ Aku besemaya deka meri nuan mayuh peturun, ngemayuh bintang ti di langit, tauka ngemayuh pasir ti ba tebing tasik. Peturun nuan deka ngalahka munsuh sida.¹⁸ Semua bansa deka minta Aku merekatka sida, baka Aku ti udah merekatka peturun nuan, ketegal nuan udah ngasika jaku Aku.’

w12 15/10 23 ¶6

Ngasika Jehovah lalu Bulih Penguntung Ari Semaya Iya

⁶ Kena ngasuh mensia andal, Jehovah Empu besemaya ngena jaku ti baka tu: ‘Petara Jehovah bejaku, “Laban Aku tu Petara ti idup.”’ (Esk. 17:16) Dalam Bup Kudus bisi lebih ari 40 kali Jehovah ngaga sumpah. Siti ari sumpah ti tebilang nya, sumpah antara Jehovah enggau Abraham. Jehovah udah ngaga sekeda sempekat enggau Abraham ke nunjukka Benih ti disemaya deka datai nengah anak iya, Isak. (P-kal. 12:1-3, 7; 13:14-17; 15:5, 18; 21:12) Uдах nya, Jehovah nguji Abraham. Iya ngasuh Abraham nyerahka anak ti dikesayauka iya. Abraham enda kakang ati lalu terus ngasika pesan Jehovah. Tang melikat

Jehovah nagang iya. Udah nya, Jehovah besemaya: 'Aku ti Jehovah besumpah atas nama Aku Empu, Aku deka meri berekat ti besai ngagai nuan, laban nuan udah ngereja utai tu, lalu enda sayauka anak tunggal nuan tang nyerahka iya ngagai Aku. Aku besemaya deka meri nuan mayuh peturun, ngemayuh bintang ti di langit, tauka ngemayuh pasir ti ba tebing tasik. Peturun nuan deka ngalahka munsuh sida. Semua bansa deka minta Aku merekatka sida, baka Aku ti udah merekatka peturun nuan, ketegal nuan udah ngasika jaku Aku.'—P-kal. 22:1-3, 9-12, 15-18.

Ngulihka Penemu Bup Kudus ti Berega

(Pemungkal 22:5) Udah nya iya lalu bejaku ngagai orang gaji iya, 'Seduai nganti ditu, ngemataka keledai. Aku enggau anak aku deka kin, lalu nyembah Petara, lalu udah nya kami duai deka pulai baru ngagai seduai.'

w16.02 7 ¶13

Iya Dikumbai Kawan Jehovah

¹³ Sebedau ninggalka orang gaji iya, ku Abraham bejaku: 'Seduai nganti ditu, ngemataka keledai. **Aku enggau anak aku** deka kin, lalu nyembah Petara, lalu udah nya kami duai deka **pulai baru ngagai seduai.**' (P-kal. 22:5) Nama reti utai ku Abraham? Kati iya bula pasal deka pulai baru enggau Isak, laban iya nemu diri deka nyerahka Isak nyadika pemeru tunu? Enda. Bup Kudus madahka, Abraham nemu Jehovah ulih ngangkatka Isak ari mati. **(Bacha Hebrew 11:19.)** Abraham nemu Jehovah udah nulung iya bulih seiku anak lelaki, taja pan seduai iya Sarah udah tuai. (Heb. 11:11, 12, 18) Nya alai, iya nemu ba Jehovah semua utai ulih magang. Abraham enda nemu utai ke deka nyadi sehari nya. Tang iya bisi pengarang, Jehovah deka ngangkatka anak iya ari mati ngambika semua semaya Jehovah ulih dikeamatka. Nya kebuah Abraham dikumbai "apai semua orang ke arap."

(Pemungkal 22:12) 'Anang ngemediska nemiak nya, tauka ngereja sebarang utai ngagai iya," ku melikat nya bejaku, "laban diatu Aku nemu nuan amat nangika Petara, laban nuan enda sayauka anak tunggal nuan tang nyerahka iya ngagai Petara.'

w17.02 31 ¶6

Tanya Ari Pemacha

Keempat, Jehovah milih enggai nemu semua utai ke deka nyadi ba kitai. Endang amat, enti Jehovah

deka, Iya ulih nemu utai ke deka nyadi jemah ila. (Isaiah 46:10) Tang Bup Kudus nunjukka, Iya milih enggai nemu semua utai. (Pemungkal 18:20, 21; 22:12) Jehovah bisi pengerindu sereta lurus, nya alai Iya enggai ngachau pengelepas kitai ke ulih milih ke diri empu.—Ulang Adat 32:4; 2 Korint 3:17.

9-15 MAC

RETA ARI BUP KUDUS | PEMUNGKAL 24

"Seiku Bini ke Isak"

(Pemungkal 24:2-4) Ku iya bejaku enggau ulun iya ke pemadu tuai, ke ngemataka semua utai Abraham, 'Engkahka jari nuan ba selepak pahaku ³ laban aku deka ngasuh nuan besumpah dalam nama Jehovah Petara ti bekuasa di serega enggau di dunya, enda nyagi nuan milih indu orang Kanaan nyadika bini anak aku. ⁴ Nuan enda tau enda mansang ngagai menua ada aku, ngagai kaban belayan aku empu, lalu ngambi siku bini ke anak aku Isak.'

wp16.3 14 ¶3

Aku "Ka"

Abraham ngasuh Elieser ngaga sumpah ngambika enda milih indu orang Kanaan nyadika bini Isak. Nama kebuah? Laban orang Kanaan enda nyembah tauka bebasaka Petara Jehovah. Abraham nemu Jehovah deka ngemunaska orang Kanaan ketegal ulah sida ti jai. Abraham enggai anak ti dikesayauka iya, Isak, bisi kaul enggau orang ke ngembuan ulah ti jai. Iya mega nemu anak iya bisi ungkup ti besai ba semaya Petara.—Pemungkal 15:16; 17:19; 24:2-4.

(Pemungkal 24:11-15) Lebu iya datai di menua nya, iya lalu ngetu sereta belelakka jelu unta iya semak telaga ti di luar nengeri. Hari lebu maya nya endang udah lemai, maya bala indu pansut ari nengeri mansang nyauk. ¹² Iya lalu besampi. Ku iya, 'Jehovah Petara ke tuan aku, Abraham, asuh aku mujur sehari tu, lalu kingatka semaya Nuan enggau tuan aku. ¹³ Aku diatu benung bediri semak telaga ti alai bala indu ari nengeri nya deka nyauk. ¹⁴ Aku deka bejaku enggau siku ari bala sida munyi tu, "Ingkaska tepayan nuan, lalu beri aku ngirup." Enti iya nyebut, "Ngirup meh, lalu aku deka mai ai ke jelu unta nuan," awakka iya nya meh orang ke udah dipilih Nuan ke nemiak Nuan Isak. Enti utai nya nyadi baka nya, nya baru aku deka nemu Nuan udah ngamatka semaya Nuan

ngagai tuan aku.’¹⁵ Lebu*h* iya agi benung besampi, Rebekah datai ngesan tepayan ai. Iya tu anak indu Bituel. Nyadi Bituel tu anak menyadi Abraham ke be*na*ma Nahor, enggau bini iya Milkah.

wp16.3 14 ¶4

Aku “Ka”

Elieser neruska cherita. Iya besampi ngagai Jehovah maya iya datai ba telaga ke semak enggau Haran. Iya minta Jehovah nulung iya milih bini ke Isak. Baka ni? Elieser besampi ngambika indu ti dipilih Petara ke deka nyadi bini Isak, datai ke telaga nya. Lalu maya Elieser minta ai irup, indu nya ukai semina nyauk ai ke Elieser tang mega ke semua jelu unta iya. (Pemungkal 24:12-14) Lalu sapa ke datai ngereja semua nya? Rebekah! Uji gambarka asai ati Rebekah, enti sema iya ninga cherita ke dipadah Elieser ngagai diri sebilik iya!

(Pemungkal 24:58) Sida lalu ngangauka Rebekah, lalu nanya iya, “Kati nuan bisi ati deka mupuk enggau lelaki tu?” “Ka,” ku Rebekah nyaut.

(Pemungkal 24:67) Udah nya Isak lalu mai Rebekah ngagai langkau kain ti udah alai Sarah indai iya diau, lalu Rebekah nyadika bini iya. Isak rinduka Rebekah, nya alai iya enda agi tusah ati ke indai iya ti udah mati.

wp16.3 14 ¶6-7

Aku “Ka”

Beberapa minggu sebedau nya, Elieser nanya Abraham: “Kati enti indu nya enggai mupuk enggau aku?” Abraham nyaut: “Nya baru nuan dilepaska ari sumpah tu.” (Pemungkal 24:39, 41) Ruang bilik Bituel mega bebasaka asai ati sereta runding indu nya. Pagi hari siti, Elieser gaga ati laban pengawa nya udah mujur. Iya nanya sida sekaligus Rebekah ulih te*ka*la nya mupuk enggau iya ngagai Kanaan. Tang, ruang bilik Rebekah deka Rebekah mengkang diau dia abis kurang sepuluh hari agi. Pengujung iya, sida madahka: “Manah kitai ngangauka Rebekah, lalu na*ny*a iya empu.”—Pemungkal 24:57.

Diatu Rebekah patut ngaga siti pemutus ti besai ba pengidup. Nama deka dipadah iya? Kati iya deka nitihka asai ati apai enggau menyadi lelaki iya, ngambika enda ibuh mupuk ngagai endur ti enda dikelala iya? Tauka, kati iya deka ngumbai tu siti basa ti besai laban ulih nitihka atur ke udah digaga

Jehovah? Asai ati Rebekah ulih dipeda ari pemutus ke digaga iya pasal ubah ti besai ke deka nyadi, le*bu*h iya nyaut: Aku “ka.”—Pemungkal 24:58.

Ngulihka Penemu Bup Kudus ti Berega

(Pemungkal 24:19, 20) Lebu*h* iya udah ngirup, indu nya lalu bejaku, “Aku deka nyauk ai ke jelu unta nuan, datai ke sida nyau udah puas ngirup.”²⁰ Iya lalu beguai-guai nuang ai ari tepayan nya ngagai dulang ti alai jelu ngirup, lalu belanda baru ngagai telaga, nyauk mayuh agi ai, datai ke iya udah meri semua jelu unta nya ngirup magang.

wp16.3 12-13

Aku “Ka”

Bisi sekali maya lemai hari, pengudah iya tembu ngisi tepayan, seiku lelaki ti tuai mansang betemu enggau iya. Ku lelaki nya madahka: “Beri aku ai irup ari tepayan nuan.” Iya minta enggau manah sereta basa! Rebekah nemu lelaki nya udah bejalai ari jauh. Nya alai, iya beguai-guai ngingkaska tepayan nya ari bau iya, lalu megai tepayan nya ngambika lelaki ti tuai tu ulih ngirup datai ke iya enda aus agi. Rebekah bisi mega meda sepuluh iku jelu unta ke semak enggau dulang ti alai jelu ngirup, tang nadai ai dalam dulang nya. Iya ulih ngasaika lelaki nya nengkilaka iya. Nya alai iya deka enggau naka ulih nulung lelaki nya. Ku iya: “Aku deka nyauk ai ke jelu unta nuan, datai ke sida nyau udah puas ngirup.”—Pemungkal 24:17-19.

Rebekah ukai semina meri mimit ai ngagai sepuluh iku jelu unta nya, tang iya deka meri ai nyentukka jelu nya puas ngirup. Enti seiku unta amat aus, iya ulih ngirup lebih ari 95 liter ai! Enti sepuluh iku jelu unta amat aus, tu reti iya, Rebekah patut bekereja mayuh jam. Tang, jelu unta nya enda kelalu aus. Kati Rebekah nemu utai nya lebu*h* iya madahka diri deka nulung meri ai ngagai bala jelu nya? Enda. Iya sanggup, indah keran deka gayanka pemanah ngagai lelaki tuai ke baru dikelala iya. Lelaki nya besetuju. Udah nya, iya meda Rebekah beguai-guai nuang ai ari tepayan nya ngagai dulang ti alai jelu ngirup, lalu belanda baru ngagai telaga, nyauk mayuh agi ai ke jelu nya.—Pemungkal 24:20, 21.

wp16.3 13, nota kaki.

Aku “Ka”

Maya nya udah lemai hari. Cherita nya nadai madah pasal Rebekah ke bejam-jam ba telaga. Pia mega,

cherita nya nadai nyebut pasal ruang bilik iya ke udah tindak maya iya pulai tauka bisi orang datai ngiga iya ketegal iya laun pulai.

(Pemungkal 24:65) Lalu nanya ulun Abraham, “Sapa lelaki nya ke bejalai ngagai kitai ba padang nya?” “Nya meh tuan aku,” ku ulun Abraham nyaut. Rebekah ngambi kain lalu mampul mua diri.

wp16.3 15 ¶3 **Aku “Ka”**

Ke pengujung iya, hari ke dianti pan nyau datai. Raban nya mansa menua Negeb, maya nya mata panas berengkah deka padam. Rebekah tepedaka seiku lelaki benung bejalai ba padang. Lelaki nya baka ke benung berunding. Ayat Bup Kudus madahka “Iya lalu nurun ari jelu unta iya,” enggau jampat. Lalu iya nanya ngagai lelaki tuai ke bisi enggau iya: “Sapa lelaki nya ke bejalai ngagai kitai ba padang nya?” Lebu iya nemu nya Isak, iya ngambi kain lalu mampul mua diri. (Pemungkal 24:62-65) Nama kebuah? Pengawa Rebekah nunjukka basa ngagai Isak, ke deka nyadi laki iya. Utai ke digaga Rebekah engka dikumbai orang enda ulih dikena agi kemayaharitu. Tang, semua lelaki enggau indu ulih neladan pamaruh ati Rebekah laban semua kitai begunaka pemanah nya.

16-22 MAC

RETA ARI BUP KUDUS | PEMUNGKAL 25-26

“Esau Nyual Hak Iya ke Nyadi Anak Tuai”

(Pemungkal 25:27, 28) Nembiak dua iku nya man-sang besai, lalu Esau nyadi orang ke landik ngasu, ke rindu bejalai ba sebelah babas, tang Jakop nya orang ke bependiau, ke jarang mindah ari rumah. ²⁸ Isak rin-du agi ke Esau, laban iya rindu makai jelu ti ulih Esau ngasu, tang Rebekah rindu agi ke Jakop.

it-1 1242 **Jakop**

Esau anak ti dikerinduka apai iya, Isak. Iya landik ngasu, enda ulih diau jenuh, sereta semampai deka mindah kin kia. Tang Jakop enda baka iya. Jakop, “orang ke bependiau [Heb., *tam*], ke jarang mindah ari rumah.” Iya betupika jelu lalu ulih dikearapka ngintu ruang bilik. Jakop amat dikerinduka indai iya. (P-kal. 25:27, 28) Leka jaku Hebrew *tam* di-kena ngambarka orang ti diterima Petara. Ambika

chunto, “orang ke selalu deka bebunuhka orang be-gedika orang ke lurus ati,” tang Jehovah madahka, “orang ke diau bebaik enggau orang bukai, deka bisi peturun.” (J-lam. 29:10; Mas. 37:37) Jop dikumbai “orang ke badas [Heb., *tam*] sereta lurus.”—Jop 1: 1, 8; 2:3.

(Pemungkal 25:29, 30) Nyadi sekali, lebu Jakop benung manduk bubur kacang, Esau datai pulai ngasu. Iya lapar ³⁰ lalu ku iya bejaku enggau Jakop, “Lapar amat aku tu. Beri aku mimit utai ti mirah nya.” (Nya kebuah iya diberi nama Edom.)

(Pemungkal 25:31-34) Disaut Jakop, “Aku endang deka meri utai tu ngagai nuan, enti nuan deka meri waris nuan ke nyadi anak tuai ngagai aku.” ³² Ku Esau bejaku, “Barang ku jaku! Aku nyau deka mati la-par. Nama guna aku enggau waris nya?” ³³ Ku Jakop nyaut, “Nuan enda tau enda dulu besumpah nyerahka waris nuan ngagai aku.” Esau besumpah, lalu nye-rahka waris iya ngagai Jakop. ³⁴ Udah nya Jakop lalu meri iya roti, enggau bubur nya. Esau makai, ngirup, angkat lalu mupuk. Nya meh jalai Esau enda beba-saka waris iya ke nyadi anak tuai.

w19.02 16 ¶11 **Nama Kebuah Beterima Kasih?**

¹¹ Sayau amat, sekeda orang ke bisi disebut ba Bup Kudus enda nemu berterima kasih. Ambika chunto, **Esau**. Iya dibesaika apai indai ke rindu sereta beba-saka Jehovah. Tang Esau “enda berterima kasih ke utai ti kudus.” (**Bacha Hebrew 12:16 ari nota kaki.**)* Nama digaga iya? Iya nyual hak iya ti nyadi anak tuai ngagai menyadi iya, Jakop, ketegal semangkuk bu-bur kacang. (P-kal. 25:30-34) Udah nya, Esau balat tusah ati ke pengawa ti udah digaga iya. Tang laban iya udah enda berterima kasih ke hak iya ti nyadi anak tuai, iya enda patut mutap enti nadai bulih hak nya baru.

it-1 835 **Anak Tuai**

Ari pun menya, anak lelaki ke tuai ngembuan penu-duk dalam diri sebilik, lalu iya deka nyadi tuai bilik.

Hebrew 12:16, NWT: “Bejimat meh ngambika nadai seiku ari kita ngereja ulah seks ti kamah tauka enda berterima kasih ke utai ti kudus baka Esau. Iya ngelepaska hak iya ti nyadi anak tuai ketegal pemakai ti mimit.”

Iya deka bulih dua kali lipat ari reta apai iya. (U-dat. 21:17) Reuben diasuh duduk sepiak Josep lebu ma-kai, laban iya bisi hak ketegal nyadi anak tuai. (P-kal. 43:33) Tang ba Bup Kudus tusun nama bala anak enda seruran nitihka umur sida. Penuduk keterubah kesuah agi diberi ngagai anak ti pemadu tebilang tauka ke pemadu tetap ati. Penuduk tu enda seruran diempu anak tuai.—P-kal. 6:10; 1 Ban. 1:28; banding P-kal. 11:26, 32; 12:4; peda HAK ANAK; WARIS.

Ngulihka Penemu Bup Kudus ti Berega

(Pemungkal 25:31-34) Disaut Jakop, “Aku endang deka meri utai tu ngagai nuan, enti nuan deka meri waris nuan ke nyadi anak tuai ngagai aku.” ³² Ku Esau bejaku, “Barang ku jaku! Aku nyau deka mati la-par. Nama guna aku enggau waris nya?” ³³ Ku Jakop nyaut, “Nuan enda tau enda dulu besumpah nyerahka waris nuan ngagai aku.” Esau besumpah, lalu nyerahka waris iya ngagai Jakop. ³⁴ Udah nya Jakop lalu meri iya roti, enggau bubur nya. Esau makai, ngirup, angkat lalu mupuk. Nya meh jalai Esau enda beba-saka waris iya ke nyadi anak tuai.

(Hebrews 12:16, NWT) Bejimat meh ngambika na-dai seiku ari kita ngereja ulah seks ti kamah tauka enda beterima kasih ke utai ti kudus baka Esau. Iya ngelepaska hak iya ti nyadi anak tuai ketegal pemakai ti mimit.

w17.12 15 ¶5-7

Tanya Ari Pemacha

Aram meda baru Hebrew 12:16, *NWT*: “Bejimat meh ngambika nadai seiku ari kita ngereja ulah seks ti ka-mah tauka enda beterima kasih ke utai ti kudus baka Esau. Iya ngelepaska hak iya ti nyadi anak tuai kete-gal pemakai ti mimit.” Nama reti ayat tu?

Rasul Paul ukai berandau pasal tusut peturun Messiah. Iya baru aja meransang orang Kristian ‘nga-ga jalai sida rurus,’ ngambika sida ulih nyeliahka diri ari pengawa seks ti kamah lalu ‘bulih pengasih Pe-tara.’ (Heb. 12:12-16) Enti sida enda nitihka jaku lalau nya, sida deka nyadi baka Esau ke enda beterima ka-sih ke utai ti kudus lalu dilimpangka utai ba dunya.

Esau engka bisi peluang ngenjuk pemeru tunu ngarika sida sebilik. (P-kal. 8:20, 21; 12:7, 8; Jop 1:4, 5) Tang Esau berunding baka orang dunya lalu muai hak iya ke nyadi anak tuai semina ketegal semangkuk bu-

bur kacang. Iya mega engka deka nyeliahka diri ari pemerinsa kedeka nyadi ngagai peturun Abraham. (P-kal. 15:13) Esau mega jadi enggau dua iku indu ke enda nyembah Jehovah. Pengawa iya ngasuh apai in-dai iya pedis ati. Iya berundingka diri empu lalu enda beterima kasih ke utai ti kudus. (P-kal. 26:34, 35) Iya amat bebida enggau Jakop ke nentuka diri jadi eng-gau indu ke nyembah Petara ti bendar!—P-kal. 28: 6, 7; 29:10-12, 18.

(Pemungkal 26:7) Lebu orang lelaki ti diau dia nanyaka pasal bini iya, iya madahka bini iya nya me-nyadi iya. Isak enggai ngaku Rebekah nya bini iya, laban iya enggai ke orang munuh iya lalu ngambi Rebekah, laban Rebekah endang amat bajik.

it-2 245 ¶6

Bula

Taja pan Bup Kudus nagang kitai ari bula, tang ukai reti iya kitai patut madahka semua utai ti bendar ngagai orang ke nadai hak nemu. Jesus Kristus nge-lalau kitai: “Anang meri utai ti kudus ngagai ukui, lalu anang nibarka batu mutiara ngagai babi, enggai ke sida ngelunjak utai nya, lalu mutar ngamuk kita.” (Mat. 7:6) Nya kebuah, bisi maya nya Jesus enda nyebut semua utai tauka meri saut ngagai sekeda ta-nya ke engka ulih ngenusahka iya. (Mat. 15:1-6; 21: 23-27; Jhn. 7:3-10) Lalu, kitai enda tau ngumbai cha-ra ti dikena Abraham, Isak, Rahap, enggau Elisa ke nguung sereta ngelalaika sekeda penerang ari orang ke enda nyembah Jehovah nya, salah.—P-kal. 12:10-19; bagi 20; 26:1-10; Jos. 2:1-6; Jas. 2:25; 2 Raj. 6: 11-23.

23-29 MAC

RETA ARI BUP KUDUS | PEMUNGKAL 27-28

“Jakop Nerima Berekat ke Endang Enggi Iya”

(Pemungkal 27:6-10) Rebekah lalu bejaku enggau anak iya Jakop, ‘Aku bisi ninga apai nuan bejaku eng-gau Esau,’ ⁷ “Bai siku jelu ngagai aku, lalu sediaka pemakai ti nyamai ke aku, ngambika aku makai iya lalu merekatka nuan di mua Jehovah sebedau aku mati.” ⁸ Nya alai, anak, kereja utai ti diasuh aku. ⁹ Alai nuan mansang ngagai raban jelu, lalu ambi dua iku kambin ti biak sereta gemu, ngambika aku manduk pemakai ti nyamai, ti balat dikerinduka apai nuan.

¹⁰ Nuan enda tau enda mai pemakai nya ngagai apai nuan, ngambika iya makai pemakai nya, lalu merekatka nuan, sebedau iya mati.’

w04 15/4 11 ¶4-5

Rebekah—Indu ke Nangika Petara

Bup Kudus nadai madah sekaligus Isak nemu pasal Esau ke enda tau enda gawa ke Jakop. Enda ngira nemu tauka enda, Rebekah enggau Jakop nemu berekat nya endang enggi Jakop. Rebekah ninga pasal Isak deka merekat Esau pengudah bulih pemakai ke diulih Esau. Rebekah enggau lengkas ngasuh Jakop mai ngagai iya dua iku anak kambin. Iya deka nyedika pemakai ti dikerinduka laki iya. Udah nya, Jakop nyaruka diri nyadi Esau ngambika tau bulih berekat. Jakop enggai. Apai iya ulih nemu pasal utai ti digaga lalu deka nyumpah iya! Tang Rebekah madahka: “Awakka semua sumpah ti disebut ngagai nuan, ninggang aku magang, anak.” Pengeransing ke diayanka Rebekah maya biak agi bisi. Udah nya iya manduk pemakai, nyaruka Jakop, lalu nganjung Jakop ngagai laki iya.—Pemungkal 27:1-17.

Nadai orang nemu kebuah Rebekah ngereja utai nya. Mayuh orang mantah utai ti dikereja iya, tang Bup Kudus enda. Isak mega nadai mantah taja pan iya nemu Jakop ke nerima berekat nya. Iya indah namahka berekat ngagai Jakop. (Pemungkal 27:29; 28: 3, 4) Rebekah nemu utai ti dipadah Jehovah pasal bala anak iya. Nya alai iya ngereja utai ngambika Jakop tau bulih berekat ke endang ungkup iya. Tu selajal enggau peneka Jehovah.—Rome 9:6-13.

(Pemungkal 27:18, 19) Udah nya Jakop lalu mansang ngagai apai iya, lalu bejaku, “Apai!” Apai iya lalu nyaut, “Tu aku. Sapa nuan nya, anak?” ¹⁹ Jakop lalu nyaut, “Aku tu anak tuai nuan, Esau. Aku udah ngereja utai ti diasuh nuan. Uji nuan duduk, lalu makai dagin ti dibai aku ngagai nuan, ngambika nuan merekatka aku.”

w07 1/10 31 ¶2-3

Tanya Ari Pemacha

Bup Kudus nadai madah enggau nyemetak kebuah Rebekah enggau Jakop ngereja utai baka nya. Tang Bup Kudus madahka, utai nya nyadi enggau ngenyit. Kitai mega ulih beratika, Bup Kudus nadai ngemendar tauka nyalahka utai ti digaga Rebekah enggau Jakop. Nya alai kitai enda tau ngumbai utai ke nyadi

tu nunjukka semua macham pemula sereta penyai, tau dikereja magang. Tang Bup Kudus bisi meri mayuh agi penerang pasal utai ke nyadi nya.

Keterubah, ayat Bup Kudus enggau terang nunjukka Jakop endang bisi hak nerima berekat ari apai iya. Tang Esau nadai hak. Sebedau nya, Jakop endang udah meli hak anak tuai ari sapit iya, Esau, ke nyual enggau rega semangkuk bubur kacang ketegal iya lapar. Esau “enda bebasaka waris iya ke nyadi anak tuai”. (Pemungkal 25:29-34) Nya alai, lebu Jakop betemu enggau Isak, iya semina minta berekat ke endang ungkup iya.

(Pemungkal 27:27-29) Lebu Jakop mansang deka nyium apai iya, Isak lalu tesiumka bau gari ti dikena Jakop. Isak lalu merekatka Jakop. Ku iya, ‘Pemanah bau anak aku nyau baka bau padang ti udah diberekatka Jehovah. ²⁸ Awakka Jehovah meri nuan ambun ari langit, lalu ngasuh tanah nuan ami! Awakka Jehovah ngasuh nuan bulih gandum, enggau wain! ²⁹ Awakka orang bansa bukai bekereja ke nuan, lalu awakka orang meremi di mua nuan. Awakka nuan merintah semua kaban belayan nuan, lalu awakka peturun indai nuan meremi ngagai nuan. Awakka orang ke nyumpah nuan, tulah magang, lalu awakka orang ke merekatka nuan, diberekatka magang.’

it-1 341 ¶6

Berekat

Ba jeman Abraham, Isak enggau Jakop, kesuah iya seiku apai deka merekatka bala anak iya sebedau mati. Pengawa tu beguna sereta berat. Nya kebuah Isak merekat Jakop laban ngumbai Jakop nya anak tuai iya, Esau. Isak meri mayuh agi berekat ngagai Jakop ari ke diberi ngagai Esau, lalu iya minta ngambika Jehovah ngereja nya laban Isak udah tuai sereta buta. (P-kal. 27:1-4, 23-29; 28:1, 6; Heb. 11:20; 12: 16, 17) Pengudah nya Isak nukuka utai nya lebu iya meri berekat ti mayuh agi. (P-kal. 28:1-4) Sebedau Jakop mati, iya merekat dua iku anak Josep, udah nya iya merekat anak iya empu. (P-kal. 48:9, 20; 49: 1-28; Heb. 11:21) Pia mega, sebedau Moses mati, iya merekat semua bansa Israel. (U-dat. 33:1) Asil ari semua berekat tu nunjukka semua berekat ke dipadah nya bekaul enggau utai ti deka nyadi ila. Bisi maya nya, lebu meri berekat, jari orang ke meri berekat diengkah ba atas pala orang ke nerima berekat. —P-kal. 48:13, 14.

(Pemungkal 27:46-28:2) “Ku Rebekah bejaku enggau Isak, “Aku nyau leju begulai enggau indu orang bansa bukai ke jadi enggau Esau. Enti Jakop jadi enggau indu orang lti, manah agi aku mati.”

28 Isak lalu ngangauka Jakop, merekatka iya, lalu bejaku enggau iya munyi tu, “Anang jadi enggau indu orang Kanaan, ² tang mansang nuan ngagai menua Mesopotamia, ngagai rumah aki nuan Bituel, lalu ambi siku ari indu ke dia nyadika bini nuan, siku ari anak indu aya nuan Laban.

w06 15/4 6 ¶3-4

Chara Berandau Enggau Kaling Pengidup Nuan

Kati Isak enggau Rebekah ngembuan randau ti manah? Pengudah Esau jadi enggau dua iku indu orang lti, siti penanggul ti besai nyadi. Ku Rebekah bejaku enggau Isak, “Aku nyau leju begulai enggau indu orang bansa bukai ke jadi enggau Esau. Enti Jakop jadi enggau indu orang lti, manah agi aku mati.” (Pemungkal 26:34; 27:46) Amat, Rebekah madahka penusah iya enggau terang ngagai Isak.

Isak nangkan Jakop, ngambika enda jadi enggau indu orang Kanaan. (Pemungkal 28:1, 2) Rebekah udah mujur madahka asai ati iya. Sepasang laki bini tu udah berandauka pasal siti topik ke amat berat ba ruang bilik. Tu nyadi teladan ti manah ngagai semua kitai kemayaharitu. Tang baka ni enti laki bini enda sepenemu? Nama ulih digaga seduai iya?

(Pemungkal 28:12, 13) Iya bemimpi meda siti tangga berindik ari tanah nyentuk ke langit, lalu bala melikat nurun niki nengah tangga nya. ¹³ Uдах nya iya lalu meda Jehovah bediri ngimbai iya. Ku Jehovah bejaku ngagai iya, ‘Aku tu Jehovah, Petara ke disembah Abraham enggau Isak. Aku deka meri menua ti alai nuan gali tu ngagai nuan, enggau ngagai peturun nuan.’

w04 15/1 28 ¶6

Penerang ari Bup Pemungkal—II

28:12, 13—Nama reti mimpi Jakop pasal “tangga”? “Tangga” tu engka batu ke ditusun betingkat nyentuk ke langit. Tu nunjukka bisi randau antara dunya enggau serega. Melikat Petara nurun niki nengah tangga nya. Tu nunjukka bala melikat nya dikena Jehovah nganjung pesan ngagai mensia ke diterima Iya.—John 1:51.

RETA ARI BUP KUDUS | PEMUNGKAL 29-30

“Jakop Kawin”

(Pemungkal 29:18-20) Jakop rinduka Rachel, nya alai ku iya, “Aku bekereja ke nuan tujuh taun kena aku ngulihka Rachel.” ¹⁹ Ku Laban nyaut, “Manah agi aku meri iya ngagai nuan, ari ke meri iya ngagai orang bukai. Diau ditu enggau aku.” ²⁰ Jakop lalu bekereja tujuh taun, kena iya ngulihka Rachel, lalu ba Jakop tujuh taun nya asai ti dua tiga hari aja laban iya rinduka Rachel.

w03 15/10 29 ¶6

Jakop Beterima Kasihka Kaul Iya enggau Petara

Seiku lelaki semina ulih betunang pengudah iya meri derian ngagai piak indu. Uдах nya, Adat Moses netapka rega 50 singkap duit pirak ngagai indu dara ke udah dipasung. Pakar Bup Kudus Gordon Wenham pechaya rega derian ke diberi tu “amat besai” taja pan rega derian kesuah nya “mit agi.” (Ulang Adat 22:28, 29) Jakop enda ulih mayar derian nya. Iya madahka diri deka gawa ke Laban pengelama tujuh taun. Ku Wenham madahka, “Maya jeman Babilon kelia, seiku pekereja biasa nerima gaji antara setengah ngagai sesingkap duit pirak. Pengudah gawa pengelama tujuh taun pekereja nya deka bulih gaji antara 42 ngagai 84 singkap duit pirak. Nya alai, Jakop ke amat iya deka meri Laban derian ti amat besai ketegal deka jadi enggau Rachel.” Laban besetuju. —Pemungkal 29:19.

(Pemungkal 29:21-26) Uдах nya Jakop lalu bejaku enggau Laban, “Awakka aku jadi enggau Rachel laban timpuh udah chukup.” ²² Laban lalu nyendia-ka gawai tikah, lalu ngambi semua orang ngabang. ²³ Tang malam nya, iya enda mai Rachel, tang mai Leah, ngagai Jakop, lalu Jakop beleman enggau Leah. (²⁴ Laban meri ulun iya ti indu ke benama Silpah ngagai Leah nyadika ulun Leah.) ²⁵ Pagi hari siti nya baru Jakop nemu indu nya Leah. Iya lalu bejaku ngagai Laban, “Nama kebuah nuan ngereja utai baka tu ngagai aku? Aku udah bekereja ke nuan kena aku ngulihka Rachel. Nama kebuah nuan nipu aku?” ²⁶ Ku Laban nyaut, “Nitihka adat kami di menua tu, anak indu ke biak enda tau ditikah dulu agi ari anak indu ke tuai.”

w07 1/10 8-9

Dua Iku Indu ke Tusah Ati “Ngadaka Mayuh Anak ke Jakop”

Kati Leah sama enggau nipu Jakop? Tauka kati ulih iya ngelaban jaku apai iya? Lalu dini Rachel? Kati iya nemu utai ke nyadi? Enti iya nemu, baka ni asai ati iya? Kati ulih iya ngelaban jaku apai iya? Bup Kudus nadai meri saut. Enda ngira nama runding Rachel enggau Leah pasal utai nya, pekara ke nyadi ngasuh Jakop ringat. Lalu iya ringat ukai ngagai Rachel tauka Leah, tang ngagai Laban. Ku iya madahka: “Aku udah bekereja ke nuan kena aku ngulihka Rachel. Nama kebuah nuan nipu aku?” Ku Laban nyaut, “Nitiha adat kami . . . , anak indu ke biak enda tau ditikah dulu agi ari anak indu ke tuai. Nganti udah tembu pengerami tikah seminggu tu, nya baru aku meri Rachel ngagai nuan, enti nuan deka bekereja ke aku tujuh taun da agi.” (Pemungkal 29:25-27) Keteagal nya Jakop bebini dua, lalu tu ngujungka asai ati ti ninding dalam ruang bilik sida.

it-2 341 ¶3

Tikah

Pengerami. Taja pan tikah nya nadai pengawa ti rasmi, tang pengerami tikah nya amat ngagaka ati ba menua Israel. Ba hari pengerami nya, pengantin indu deka besedia ba rumah iya empu. Iya deka mandi lalu ngena minyak wangi. (Banding Rut 3:3; Esk. 23:40.) Kadang-kadang bisi indu bukai nulung iya ngena perengka emas enggau pekayan tikah ti beperenching. Tu nitihka pemisi seiku-seiku orang. (Jer. 2:32; Pem. 19:7, 8; Mas. 45:13, 14) Iya ngias diri ngena batu berega enti iya bisi. (Isa. 49:18; 61:10; Pem. 21:2) Uдах nya iya nutup diri ngena baju panjai ari tuchung pala ngagai tunjuk kaki. (Isa. 3:19, 23) Tu meh kebuah Laban ulih nipu Jakop, ngambika Jakop enda nemu sekaligus indu ke jadi enggau iya nya, Leah tauka Rachel. (P-kal. 29:23, 25) Rebekah ngengkahka tudung pala lebuх iya betemu enggau Isak. (P-kal. 24:65) Tu ngambarka pengantin indu nunduk ngagai pengantin lelaki ke nyadi tuai iya. —1 Kor. 11:5, 10.

(Pemungkal 29:27, 28) Nganti udah tembu pengerami tikah seminggu tu, nya baru aku meri Rachel

ngagai nuan, enti nuan deka bekereja ke aku tujuh taun da agi.’²⁸ Jakop besetuju, lalu lebuх pengerami tikah seminggu nya udah tembu, Laban lalu meri anak iya Rachel nyadika bini Jakop.

Ngulihka Penemu Bup Kudus ti Berega

(Pemungkal 30:3) Ku Rachel, “Tu ulun aku, Bilhah. Manah agi enti nuan tinduk enggau iya, ngambika iya tau ngadaka anak ke aku, ngambika aku tau nyadi indai, ulih iya.”

it-1 50

Anak Iru

Rachel enggau Leah ngumbai anak ke diadaka ulun sida ke Jakop nya baka anak ke diadaka diri empu. (P-kal. 30:3-8, 12, 13, 24) Bala anak nerima waris sama baka anak ke diadaka bala bini Jakop. Sida nya endang anak kandung Jakop, lalu ketegal ulun indu nya enggi bala bini iya, Rachel enggau Leah mega bisi hak ngagai bala anak nya.

(Pemungkal 30:8) Ku Rachel, “Aku bebendar amat bepekit mayuh anak ngelaban menyadi aku, tang aku udah menang.” Nya alai iya meri anak mit nya nama Naptali.

(Pemungkal 30:24, 25) Awakka Jehovah meri aku siku agi anak lelaki.’ Nya alai iya meri iya nama Josep.²⁵ Uдах bekau pengada Josep, Jakop bejaku enggau Laban, “Awakka aku mupuk, lalu pulai ngagai menua aku empu.”

w16.09 13 ¶7

Terus Bibat Ngulihka Berekat ari Jehovah

⁷ Rachel, bini ti dikesayauka Jakop, mega keran deka meda baka ni Jehovah ngamatka semaya Iya ngagai Jakop. Tang bisi siti penanggul. Rachel enda ulih beranak. Maya jeman Bup Kudus, tu ngasuh bala indu balat merinsa. Baka ni Rachel terus bibat, taja pan iya napi utai ti ngasuh iya lemi? Iya enda putus pengarap. Tang iya terus bibat enggau suah agi besampi ngagai Jehovah. Jehovah ningaka sampi Rachel ke ari ati, lalu iya ngasaika diri diberekat lebuх iya nyau bisi anak. Nya kebuah iya nyebut: “Aku bebendar amat bepekit [ngelaban] . . . tang aku udah menang.”—P-kal. 30:8, 20-24.